



"The Entrepreneurial University"

The Official Portal of
UNIVERSITI MALAYSIA KELANTAN

Bahasa Melayu English Others | ●●●

Search...

Staff
Staff Email
E-Community

[Home](#)

[Info UMK](#)

[Undergraduate](#)

[Postgraduate](#)

[Faculties/Centres](#)

[Faculty of Entrepreneurship & Business](#)

[Faculty of Creative Technology and Heritage](#)

[Faculty of Veterinary Medicine](#)

[Faculty of Agro-Based Industry](#)

[Faculty of Earth Sciences](#)

[Centre for Modern Languages and Generic Development](#)

[Centre for Graduate Studies](#)

[Campus](#)

Student & Alumni Affairs Office
Student

[Home](#) ▶ [Latest News](#) ▶ [RECOVH 2012:Menangani isu dan cabaran krisis kemanusiaan kurun ke 21](#)

RECOVH 2012:Menangani isu dan cabaran krisis kemanusiaan kurun ke 21



INSTITUSI Pendidikan Tinggi Awam di negara ini perlu memainkan peranan secara lebih tegas serta terbuka dalam menangani isu-isu kemanusiaan global sebagai menyokong kepada usaha kerajaan untuk membentuk rakyat yang berkualiti tinggi di negara ini.

Justeru itu, Persidangan Serantau Mengenai Isu Nilai dan Kemanusiaan (RECOVH) 2012, bertemakan Realiti, Cabaran dan Jalan Penyelesaian, anjuran Universiti Malaysia Kelantan (UMK) melalui Pusat Pengajian Bahasa dan Pembangunan Insaniah (PPBPI) adalah platform terbaik untuk ahli-ahli akademik dan cendekiawan mencari alternatif menangani krisis isu-isu kemanusiaan.

Naib Canselor UMK, YBhg. Prof. Datuk Dr. Raduan bin Hj. Che Rose berkata, persidangan ini adalah sebahagian daripada usaha universiti memperbaiki nilai-nilai kehidupan yang mula terhakis akibat daripada pertumbuhan pesat tamadun moden manusia pada kurun ini.

Beliau berkata, kemajuan dalam teknologi kini bukan sahaja digunakan untuk keperluan dalam kehidupan seharian tetapi ia juga digunakan untuk mengekalkan penguasaan kuasa dan menindas orang-orang yang dianggap lemah.

"Persidangan ini, juga memberi ruang forum intelektual dari pelbagai bidang kepada individu yang berminat untuk membentangkan penyelidikan mereka, idea dan cadangan, dan untuk membincangkan isu-isu berkaitan kemanusiaan dan nilai-nilai kemanusiaan, dan implikasinya terhadap tamadun manusia," katanya.

Beliau berkata demikian ketika menyempurnakan perasmian RECOVH 2012, di Dewan Terbuka Keusahawanan, UMK Kampus Kota, Pengkalan Chepa, Kelantan, pada 2 Disember 2012.



Turut hadir ialah Timbalan Naib Canselor (Akademik & Antarabangsa), YBhg. Prof. Dr. Roselina binti Ahmad Saufi, Dekan Fakulti Keusahawanan dan Perniagaan, YBhg. Prof. Muhammad Dahlan bin Ibrahim, Pengarah PPBPI, YBhg. Prof. Dr. Farok bin Zakaria dan Pengarah Pusat Pengajian Lanjutan, Sains dan Kemanusiaan, Universiti Teknologi Malaysia, YBhg. Prof. Dr. Wan Mohd Nor bin Wan Daud.

Dalam pada itu, Prof. Datuk Dr. Raduan memberitahu, adalah menjadi harapan program ini juga dapat mengenal pasti cabaran dalam nilai-nilai kemanusiaan khususnya tentang perubahan-perubahan drastik yang telah berlaku dalam kurun ini yang seolah-olah tidak berkesudahan malah semakin kritikal.

Tambah beliau, selain mengenal pasti masalah asas, persidangan ini juga mempunyai potensi yang besar bagi mencari penyelesaian alternatif yang lebih baik dalam jangka masa panjang yang bersifat pencegahan dan bukan lagi mengambil langkah cara menyembuhkan penyakit apabila ia berlaku.

"Saya berharap persidangan ini akan berjalan dengan lancar dan mendapat manfaat yang besar dari semua pandangan yang disampaikan oleh pembentang kertas kerja terutama cara pengurusan yang strategik untuk keamanan, kesejahteraan dan kestabilan serantau yang berpanjangan," ujarnya.

Sementara itu, Prof. Dr. Farok, memberitahu bahawa program kali ini disertai oleh 200 peserta dari dalam dan luar negara yang membincangkan isu-isu dan krisis nilai kemanusiaan yang melibatkan ahli akademik, sarjana dan ahli profesional.

Katanya, sebanyak 30 kertas kerja akan dibentangkan yang berkaitan dengan pelbagai isu terutamanya fahaman pluralisme serta polemik amalan lesbian, gay, biseksual dan transgender (LGBT) akan menjadi topik utama perbincangan.

"Sehubungan itu, persidangan ini akan menyediakan ruang khusus untuk peserta berdiskusi dan berkongsi pengalaman tentang kajian kes yang berlaku di beberapa negara sebagai kajian kes untuk mencari jalan penyelesaian reaktif dan proaktif kepada isu yang timbul," jelasnya.





Total Visitors :
299310

[Disclaimer](#)

[Privacy Policy](#)

[Security Policy](#)

[Site Map](#)

[Contact Us](#)

[FAQ](#)

[Help](#)

Copyright © 2012 Official Portal University Malaysia Kelantan.
Best View Mozilla/Firefox/IE/Opera Friendly
Universiti Malaysia Kelantan, Karung Berkunci 36, 16100 Pengkalan Chepa, Kota Bharu, Kelantan
Tel : +609 - 7717000
Fax : +609 - 7717022
Email : webmaster@jumk.edu.my
Last Modified: 03/12/2012, 03:41:56.